

Hic est panis, qui de cœlo descēdit, vt si quis ex ipso manducet, non moriatur. Quod quidem manifestum est, non intelligi de morte corporali, ergo intelligitur, quod hoc Sacramentum præseruet à morte spūali, quæ est peccatum. Et Psal. 103. Panis cor hominis confirmat. Et Chrysolomus Hom. 45. in Iohannem. Vt Leones flammam spirantes, sic ab illa mensa discedamus terribiles effecti Diabolo. S. Thom. 3. p. q. 79. art. 6. Depellit enim Christus, & sua præsentia fugat tentationes Demonum, qui fugiunt Christum præsentem, & Angelorum societatem, qui Christum hic cōmittātur; & arcet Demones, ne temptatione incitent ad peccati mortem. Et experimēto patet, eos qui frequenter, ac deuotè communicāt, facilè pro Dei benignitate perseuerare in vita, & sanitate animæ. Ob id enim Eucharistiæ Sacramentum dicitur. Panis vitæ quia de se conseruat vitam, & perseuerantem sanritatem animæ, & reparat vires quas calor noxij fomitis debilitat. Vt Helias 3. Reg. 19. virtute typici panis perseuerauit in longa via, vsq; ad montem Dei, & lignum vitæ præseruabat à corruptione. Hoc idem cōfirmabit Parochus duabus potissimum figuris